

戶部山西司奏稿
戶部陝西司奏稿

(二)

臺灣學堂書局印行

議覆晉撫奏釐金公費照部議覈計仍屬不敷支銷摺
奏爲遵

旨議奏事署山西巡撫奎斌奏釐金公費照部議覈計仍屬
不敷支銷覆陳實在情形一摺光緒十一年八月十三
日軍機大臣奉

旨戶部議奏欽此抄交到部臣等伏查晉省釐稅光緒四五
等年收數日絀經前任撫臣張之洞查看情形添設分
卡派員稽徵九十兩年收數果見暢旺經該署撫因原
定一成公費不敷於本年六月間奏請加給外銷成數
奉

旨交議當經臣部詳覆所奏事出有因議令光緒九年以後

無論收數如何暢旺除照從前極旺年分撥柴萬兩之數仍接舊章提出一成外其拾柴萬兩以上多徵之項准於舊章一成之外再提一成作為外銷公費等因奏准行知遵照在案茲復據奏稱光緒九年分實銷公費並京員津貼銀叁萬壹千貳百陸拾兩零照部議應提公費計不敷銀捌千伍百貳拾柒兩零十年分實銷公費及京員津貼銀叁萬貳千玖百貳拾陸兩零照部議應提公費計不敷銀陸千壹百玖拾伍兩零其款業經按月開銷實係無法籌補可否准照前請實用實銷不得過二成抑或查照光緒九十兩年實銷銀數即以一成五釐為斷等語查各省釐捐藥稅外銷公費從未有

過一成者今該署撫滙陳九十兩年釐稅之所以暢旺部議公費之所以不敷臣部似未便拘執前議致辦公竭厥將來收數短少有所藉口然九十兩年歲支局卡公費暨京員津貼現經該署撫聲明確數則光緒十一年以後收數比九十兩年即倍形暢旺亦不至再增支款所請二成一成半之數實礙難准其逐層照扣開他省踵行之漸臣等悉心查覈與其酌加成數有違舊章不如明提公費俾無流弊嗣後釐稅兩案如收數在拾捌萬兩至貳拾壹萬兩以上者在晉省卽爲整頓釐稅著有成效擬請准其於舊章一成外由正款提出銀壹萬兩備補一成公費不敷之用如收數在拾柒萬兩左

有飭令開舊章一律不准多支以示限制似此變通辦理因收數多而明提公費既非更易舊章於該省整頓釐稅亦毫無礙礙斯爲兩全之道至光緒九十兩年該省釐稅兩宗統共收銀肆拾壹萬柒千餘兩開銷公費暨京員津貼共銀陸萬肆千餘兩比此次部定准提銀數多支銀貳千餘兩本應刪除惟據奏稱添設局卡力杜偷漏祇期釐稅暢旺未遑計及一成公費是否敷用所奏尙屬實情且收數比從前倍增多支銀兩又在此次部定新章以前應請准其照數開銷嗣後應即遵照部定新章不准絲毫逾違所有 臣等遵議緣由是
否有當恭摺具陳伏乞

皇太后

皇上聖鑒謹

奏光緒十一年九月初五日具奏本日奉
旨依議欽此

自游燕地

卷之五十一 平水民海軍將領李公

卷之五十二

卷之五十三

請免晉省歷年欠解添辦毛頭紙片

再前據管理戶部三庫衙門奏催江蘇等省欠解顏料等項一摺奉

旨依議欽此當經臣部抄錄原奏清單飛咨山西巡撫遵照在案嗣據該撫咨稱查部文粘單內開山西省每年添辦毛頭紙壹百萬張自同治二年起至光緒十年止二十二年共欠解毛頭紙貳千貳百萬張等因遵查山西省舊欠毛頭紙一項爲數甚鉅值此大褫之後庫藏匱乏籌辦不易仍遵光緒九年十二月戶部奏案緩解至光緒十一年以後頗遲毛頭紙仍年清年款不敢帶欠以供要需再查晉省舊欠毛頭紙一項自同治三六七

九十二十三等年並光緒二三四五六七八等年共十三年每年額運紙壹百萬張共欠十三批計紙壹千叁百萬張茲查部文粘單內開年分數目不符自係繕寫錯悞咨請更正等因前來 查該省添辦毛頭紙一項係三庫衙門於同治二年八月初四日奏准經臣部轉行遵照有案今該省藩司漏未詳查並非部文繕寫錯悞無所用其更正至此項添辦毛頭紙自奏准以來並未據該省報解一次亦未動用庫款當經片查三庫衙門應否令其籌解去後茲據覆稱晉省所欠額解毛頭紙業由戶部奏准緩解其添辦毛頭紙應如何辦理之處應由戶部酌覈辦理查該省自大稜以後庫藏空虛

攤捐已裁舊欠額解毛頭紙十三批既經臣部議准緩解此項添辦毛頭紙若責令照數籌解誠恐勢所不能且臣部前次議奏緩解舊欠額運毛頭紙時查據三庫衙門覆稱庫存毛頭紙雖不甚多如該省嗣後果能按年照額解清尚可年敷一年之用等因查該省額解毛頭紙自光緒九年臣部議准緩解舊欠以來九十餘年額解毛頭紙均於每年冬季解清其光緒十一年等年解毛頭紙現尙未及報解之期不得預謂有欠等因同商酌既據三庫覆稱額解毛頭紙該省如能按年解清尙可敷用此項添辦毛頭紙二十餘年來一籌未舉徒有添辦之名不知免其添辦俾得專顧年例應解各

款永無蒂欠擬請將晉省自同治二年起至光緒十年止共二十二年欠解添辦毛頭紙貳千貳百萬張並光緒十一年以後每年添辦毛頭紙壹百萬張准其概行免解以紓餉力惟光緒十一年以後應額解毛頭紙仍令必遵光緒九年奏案年清年款不准稍有蒂欠俾足敷用如有蒂欠即由臣部據實奏參所有擬請山西省免解添辦毛頭紙緣由理合附片具陳伏乞

聖鑒謹

奏光緒十一年九月初五日具奏本日奉

旨依議欽此

議駁科布多參贊大臣奏續修工程動用臺費銀兩摺
奏爲科布多續修工程查無估報覈准案據所請動用臺
費銀兩礙難照准恭摺具陳仰祈

聖鑒事內閣抄出科布多參贊大臣清安等奏據實聲明續
估工程並原估不敷銀兩請

飭部覈銷找領一摺光緒拾壹年肆月奉

旨該部知道欽此欽遵抄出到部據原奏內稱准戶部咨開
科城修理城垣等工完竣照例造冊報銷續修各工不
敷銀兩仍由部庫請領等因查該大臣前次估修請款
摺內並未聲明

先農壇應修檢查檔案亦無續估案據所請部撥續估不敷銀

兩應毋庸議等因鈔錄原奏行知到科才等伏查光緒柒年緣科城垣倉庫等項工程年久失修萬難停緩派員估需銀伍千伍百兩奏准由部庫如數撥給嗣年冬始將工程銀兩領解到科致年春購料興修自勘估至興工事隔兩年各處已估工程城垣續行坍塌房屋木料訖朽不堪抵用此原估不敷之實情也至續估工程並未奏咨立案一節查前於修理城垣等工將竣之際復據承修委員稟稱

先農壇頭停脫落牆垣嚴製奴才等查勘均係實情批飭續估修整其不敷銀兩暫由鋪商借墊工竣奏請找領此續估未能奏咨之實情也今戶部以原估未敘續修無案

奏駁行知前來奴才等當此庫款支絀豈敢糜費無如
邊地情形勢所必然且請找領銀貳千叁百餘兩並非
專指續估而原估不敷亦在其內奴才已授京職即應
赴任請將續修不敷銀兩即由臺費項下開除以清款
目等語臣等伏查光緒拾年拾月科布多大臣清安
等奏續估各工請找領銀貳千叁百餘兩當經臣部檢
查檔案行查工部均無奏准續估案據奏駁在案今復
據該大臣奏稱原估不敷及續估各工銀兩已由臺費
項下開銷等語復經臣部片商工部此項續估各工戶
部應否准其動款應以工部覈定原估是否不敷續估
應否准修爲斷等因去後旋據覆稱以工程論事前未

據估報准修與不准修礙難覈定惟此項工程總以撥款爲要續修應否准領仍由戶部覈定等因查向章各項工程無論如何緊要均應先行奏明由部覈准後方准動款興修若原估未及工程事前並未估報輒即借款興修部中於事後奏銷請款時亦即准其動款開銷不特有違向章實足啟各處效尤之漸臣等公同商酌此案除原估各工前據該大臣確查奏明實共需銀伍千伍百兩經臣部議准有案所有原估各工用過銀兩應由工部照例覈銷外其原估不敷及續修

先農壇各工銀貳千叁百餘兩工部及臣部既查無估報准修之案雖據該大臣一再奏請臣部亦礙難率准動款致

滋流弊相應請

旨飭下科布多叅贊大臣即將動用臺費銀貳千叁百餘兩
照數歸款以重帑項所有議覆科布多續修各工不准
動用臺費緣由是否有當理合恭摺具陳伏乞

皇太后

皇上聖鑒謹

奏光緒拾壹年玖月拾柒日具奏本日奉

旨依議欽此